

Na osnovu člana 16. stav 2. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona“, broj: 7/10 i 3/23), a u vezi sa članom 15., stav (4) Zakona o izvršavanju budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23 i 10/23), Vlada Zeničko-dobojskog kantona, na prijedlog Ministarstva finansija, na 26. sjednici, održanoj dana 07.07.2023. godine, d o n o s i

ODLUKU

o preraspodjeli sredstava u budžetu Zeničko-dobojskog kantona za 2023. godinu

Član 1.

(Predmet)

Odobrava se preraspodjela sredstava planiranih u Budžetu Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23) između budžetskih korisnika iz nadležnosti Ministarstva za obrazovanje, nauku, kulturu i sport.

Član 2.

(Način preraspodjele i namjena sredstava)

Preraspodjela sredstava planiranih u Budžetu Zeničko-dobojskog kantona za 2023. godinu, vrši se na slijedeći način:

- a) na razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, planirani rashodi na poziciji 821600 – Rekonstrukcija i investiciono održavanje, Plan izdaci iz budžeta 2023. godina, umanjuju se za 36.600,00 KM;
- b) na razdjelu 22, budžetska organizacija 02, potrošačka jedinica 0000 – Osnovno obrazovanje, planirani rashodi na poziciji 821600 – Rekonstrukcija i investiciono održavanje, Plan izdaci iz budžeta 2023. godina, uvećavaju se za 36.600,00 KM, a po budžetskim korisnicima kako slijedi:

Budžetski kod	Korisnik – Osnovne škole	Ekonomski kod	Iznos za uvećanje (KM)	Namjena odobrenih sredstava - Projekat
22020004	OŠ „21. mart“ Doboj Jug	821600	7.500,00	Adaptacija prostorija za organizovanje produženog boravka
22020023	JU OŠ „Džemal Bijedić“ Tešanj	821600	11.100,00	Nadogradnja internet infrastrukture (u saradnji sa UNICEF-om)
22020050	JU OŠ „Edhem Mulabdić“ Zenica	821600	12.000,00	Adaptacija prostorija za organizovanje produženog boravka
22020058	OŠ „Meša Selimović“ Zenica	821600	6.000,00	Adaptacija prostorija za organizovanje produženog boravka
Ukupno osnovne škole (KM)			36.600,00	

Član 3.

(Realizacija odluke)

Za realizaciju ove Odluke zadužuju se budžetski korisnici kojima su odobrena sredstva za rekonstrukciju i investiciono održavanje, Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 4.
(Izvještavanje)

Budžetski korisnici su dužni sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška istih, a Ministarstvo za obrazovanje, nauku, kulturu i sport će Vladi Zeničko-dobojskog kantona podnijeti kompletan izvještaj o utrošku sredstava odobrenih ovom Odlukom.

Član 5.
(Stupanje na snagu)

Ova Odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Amra Mehmedić

Broj: 02-11-10980/23

Datum, 07.07.2023. godine

Z e n i c a

DOSTAVLJENO:

1x Ministarstvo finansija,

1x Ministarstvo za obrazovanje, nauku, kulturu i sport,

1x „Službene novine Zeničko-dobojskog kantona“,

1x a/a.